

Dr. Meliha Bašić, redovni profesor, predsjednik Komisije

Ekonomski fakultet Univerziteta u Sarajevu

Oblast: Računovodstvo i revizija

Dr. Senada Kurtanović, redovni profesor, član Komisije

Ekonomski fakultet Bihać Univerzitet u Bihaću

Oblast: Računovodstvo i revizija

Dr. Željko Šain, redovni profesor, član Komisije

Ekonomski fakultet Univerziteta u Sarajevu

Oblast: Kvantitativne finansije, Aktuarstvo

**VIJEĆU EKONOMSKOG FAKULTETA
UNIVERZITETA U SARAJEVU**

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17), člana 104., 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-3-48/20 od 26. 02. 2020. godine, Odluke Vijeća Ekonomskog fakulteta Univerziteta u Sarajevu od 11. februara 2020.godine, Rješenja Dekana broj 02-1984/2020 od 14.04.2020.godine imenovani smo za članove Komisije za pripremu prijedloga i izvještaja o izboru jednog nastavnika u zvanju redovni profesor, puno radno vrijeme, na oblast „Računovodstvo i revizija“. Na predmetni konkurs, za zvanje redovni profesor, koji je objavljen 10.03.2020.godine u dnevnom listu „Oslobođenje“ i na web-stranici Ekonomskog fakulteta Univerziteta u Sarajevu prijavio se jedan kandidat: dr. Haris Jahić.

Prema Potvrdi Službe za pravne i personalne poslove broj 07-6-2015/20 od 14.04.2020.godine prijava sa priložima kandidata dr. Harisa Jahić je blagovremena i potpuna (uredna) sa uslovima utvrđenim konkursom od 10.03.2020.godine.

Na osnovu pregleda prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenog kandidata, Komisija podnosi Vijeću Ekonomskog fakulteta Univerziteta u Sarajevu sljedeći

IZVJEŠTAJ

Na raspisani Konkurs za izbor nastavnika za zvanje redovni profesor na oblast „Računovodstvo i revizija“ javio se jedan kandidat: dr. Haris Jahić.

Kandidat je dostavio urednu dokumentaciju i priložio neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Fakulteta.

1. BIOGRAFSKI PODACI

Kandidat prof. dr Haris Jahić je rođen 01. maja 1974.godine u Mostaru. Osnovno i srednje obrazovanje (Gimnazija) stekao je u Konjicu. Na Ekonomskom fakultetu u Mostaru diplomirao je 1999.godine (smjer finansijsko - računovodstveni, tema diplomskog rada „Računovodstvena politika troškova u preduzeću“). Postdiplomski studij smjer „Računovodstvo i revizija” završio je na Ekonomskom fakultetu u Sarajevu 2007.godine. Magistarski rad na temu "Revizija stalnih sredstava kao segment revizije finansijskih izvještaja“ odbranio je 19. januara 2007.godine kod mentora prof. dr Selima Durmića. Doktorsku disertaciju na temu „Dosljednost objavljenih računovodstvenih politika kao predušlov za kvalitetniju analizu finansijskih izvještaja“, kandidat je odbranio 03. jula 2009.godine, na Ekonomskom fakultetu u Sarajevu, kod mentora prof. dr Mirka Andrića, i time stekao naučni stepen doktora ekonomskih nauka.

Profesionalno-radnu karijeru kandidat prof. dr Haris Jahić počeo je u d.o.o. „Fenix“ Konjic u sektoru računovodstva na poslovima računovodstvenog planiranja, izrade i kontrole kalkulacija. Nakon toga je radni angažman nastavio u Zavodu za računovodstvo i reviziju FBiH (sektor revizije) na mjestu stručnog saradnika za reviziju. Kao zaposlenik Zavoda aktivno je učestvovao i u radu radnih tijela koja su se bavila prilagođavanjem Računovodstvenih standarda FBiH Međunarodnim računovodstvenim standardima. U ovom periodu odslušao je više seminara u organizaciji USAID-a koji su bili podrška promoviranju računovodstvene profesije u FBiH. U periodu 2001-2002.godina bio je zaposlen na Fakultetu kriminalističkih nauka u Sarajevu (katedra ekonomske kriminalistike) na mjestu asistenta (predmeti Računovodstvo i Revizija poslovanja). Od 2002. godine do danas zaposlen je na Ekonomskom fakultetu Univerziteta u Sarajevu.

U zvanju asistenta i višeg asistenta na oblasti „Računovodstvo“, nastavu je izvodio iz predmeta: Računovodstvo, Finansijsko računovodstvo, Troškovno računovodstvo i Kontrola i revizija.

U zvanju docenta i vanrednog profesora na Ekonomskom fakultetu Univerziteta u Sarajevu u periodu od 2009-2020.godine imenovani je izvodio nastavu na sva tri ciklusa studija iz sljedećih predmeta:

I ciklus studija: Računovodstvo finansijskih institucija, Računovodstvo banaka, Finansijsko izvještavanje, Revizija finansijskih izvještaja, Revizija poslovanja, Analiza poslovanja, Računovodstvo, Poresko računovodstvo.

II ciklus studija: Finansijsko izvještavanje, Analiza finansijskih izvještaja, Računovodstveni informacioni sistemi.

III ciklus studija: Analiza izmjena računovodstvenih politika i njihov uticaj na rezultat poslovanja.

Kandidat prof. dr Haris Jahić izvodi nastavu iz predmeta Računovodstvo na Fakultetu za kriminalistiku, kriminologiju i sigurnosne studije kao i na Fakultetu za javnu upravu. U akademskoj 2019/2020.godini kandidat je angažovan u nastavnom procesu na Ekonomskom fakultetu Univerziteta Džemal Bijedić u Mostaru i to na predmetu Finansijsko računovodstvo za izvođenje nastave i ocjenjivanje, i na predmetu Analiza poslovanja preduzeća za

ispitivanje. U školskoj 2018/2019.godine kandidat je imao angažman u nastavnom procesu na Ekonomskom fakultetu Univerziteta u Zenici i izvodio je nastavu iz predmeta Prognoziranje zasnovano na finansijskom izvještavanju na Master studiju. Pored navedenih nastavnih angažmana, kandidat je učestvovao u nastavnom procesu (dodiplomski studij i postdiplomski studij) i na Ekonomskom fakultetu u Bihaću.

Od izbora u zvanje vanredni profesor bio je mentor brojnih diplomskih, te više magistarskih i završnih radova, i svi su uspješno odbranjeni pred komisijama. Bio je predsjednik i član više komisija za ocjenu i odbranu završnih, magistarskih i doktorskih radova.

U periodu 2000.-2020., kandidat je intenzivno radio na sticanju znanja i iskustava iz različitih disciplina iz oblasti računovodstva i revizije i tim povodom odslušao je više seminara i kurseva, kao i više seminara iz područja metodologije naučno-istraživačkog rada.

Kandidat prof. dr Haris Jahić posjeduje certifikate (stručna zvanja) „ovlašteni revizor“ i „samostalni računovođa“ koje je dobio nakon odslušane nastave i položenih ispita u organizaciji Zavoda za računovodstvo i reviziju FBiH, kao i certifikat „internog revizora“ u organizaciji Akademsko-strukovnog udruženja internih revizora Bosne i Hercegovine. Osim navedenih, posjeduje i certifikate o odslušanom kursu iz oblasti „Revizija finansijskih izvještaja“ (Banja Luka 2002.godina) i „Finansijski menadžment i kontrola“ (Neum 2003.godina) u organizaciji USAID-a. Kandidat je uspješno završio kurs za članove Nadzornih odbora u organizaciji IFC, a bio je i učesnik Zeus International Camp, Pantheon, na temu Poslovna analitika i planiranje u januaru 2012.godine u Brčkom.

Kandidat prof. dr Haris Jahić pored rada u nastavi permanentno je prisutan i u privrednim kretanjima, kao član u nadzornim odborima više privrednih društava (Union bank dd Sarajevo, Vispak dd Visoko, Svjetlostkomerc dd Sarajevo, Šumarstvo Prenj dd Konjic, RFK Valjčići d.d. Konjic, Klas dd Sarajevo...), odborima za reviziju privrednih društava (Razvojna banka FBiH, Energoinvest dd Sarajevo, Bosnalijek dd Sarajevo, Željeznice Federacije BiH, Vodovod i kanalizacija doo Sarajevo...), te kao član Upravnog odbora mikrokreditne fondacije LOK Mikro. Učestvovao je u više revizija komercijalnog karaktera kao konsultant, ili kao član tima. Osim oblasti računovodstva i revizije, predmet njegovog interesovanja jeste i tržište kapitala.

Kandidat prof. dr Haris Jahić angažovan je i u procesu edukacije „samostalnih računovođa“ i „ovlaštenih revizora“ u organizaciji Zavoda za računovodstvo i reviziju FBiH u periodu od 2002-2005.godina, kao i u izvođenju nastave za sticanje zvanja „certificirani računovodstveni tehničar“ u organizaciji Poslovne akademije Ekonomskog fakulteta u Sarajevu, od 2007.godine. Također, izvodi nastavu u programu „Upravljanje javnim institucijama u zdravstvu“ u organizaciji Poslovne akademije Ekonomskog fakulteta u Sarajevu, počevši od 2009.godine. Također, izvodio je nastavu u organizaciji Akademsko strukovnog udruženja u BiH za sticanje zvanja ovlašteni interni revizor čije je ujedno i potpredsjednik i član upravnog odbora od 2015.godine.

Autor je i koautor više naučnih i stručnih članaka iz oblasti računovodstva i revizije, kao i član timova u više istraživačkih projekata (projekat Vlade FBiH „Procjena vrijednosti BH Steel Zenica“, konsultant u projektu Svjetske banke za teorijsku i praktičnu obuku za službenike u Ministarstvu finansija FBiH s ciljem sticanja znanja iz oblasti finansijskog izvještavanja banaka, analize finansijskih izvještaja banaka i propisa koji regulišu poslovanje banaka, konsultant u projektu UNDP Jačanje kapaciteta i ključnih institucija ovlaštenih za

borbu protiv korupcije u BiH, te kao vođa projekta Upotreba finansijskih istraga u rješavanju koruptivnih krivičnih djela podržan od strane Ministarstva vanjskih poslova Sjedinjenih Američkih Država). Učestvovao je kao stručni saradnik iz oblasti računovodstva i u izradi softvera koji su podrška računovodstvenom sektoru. Osim toga, učestvovao je (kao autor i koautor) u izradi investicionih projekata i biznis planova, kao i ocjeni investicionih projekata i biznis planova više privrednih subjekata.

Kandidat prof. dr Haris Jahić se aktivno služi engleskim jezikom i vlada kompjuterskim vještinama.

2. NAUČNO-ISTRAŽIVAČKI RAD

Kandidat Jahić dr Haris aktivno se bavi i teorijskim istraživanjima što ilustrujemo autorskim/koautorskim doprinosom u izradi ukupno sedam univerzitetskih udžbenika i 28 naučnih i stručnih radova, čiji spisak slijedi:

2.1. UNIVERZITETSKI UDŽBENICI I PUBLIKACIJE

2.1.1. Udžbenici nakon izbora u zvanje vanredni profesor:¹

1. Kurtanović Senada, Mirko Andrić, Haris Jahić: Revizija. Fojnica: Štamparija Fojnica, 2015. ISBN 978-9958-17-057-7; koautor.

Univerzitetski udžbenik „Revizija“ je namijenjen za potrebe izučavanja revizije na visokoškolskim ustanovama ekonomskog smjera, edukacije kandidata za potrebe sticanja zvanja iz računovodstvene profesije, kontinuirane profesionalne edukacije računovođa i revizora, ali i svih drugih lica zainteresovanih za bolje razumijevanje tema iz područja revizije. Univerzitetski udžbenik „Revizija“ na jednom mjestu, poštujući ograničenja obima za univerzitetsku knjigu, prezentira teorijsku i praktičnu stranu revizije, prikazujući istu u tri cjeline: reviziju finansijskih izvještaja privrednih društava, internu reviziju i reviziju finansijskih izvještaja javnog sektora. Predmetni udžbenik tretira izuzetno aktuelnu tematiku te na jednom mjestu studentima, računovođama, revizorima, menadžerima i drugim zainteresovanim prikazuje osnove revizije.

2. Jahić Mehmed, Isaković – Kaplan Ševala, Jahić Haris, Lejla Demirović: Finansijsko računovodstvo. IV izmijenjeno i dopunjeno izdanje. Fojnica: Štamparija Fojnica, 2018. ISBN 978-9958-9058-0-3; koautor.

Univerzitetski udžbenik „Finansijsko računovodstvo“ pisan je za potrebe studenata na fakultetima i višim školama ekonomskog smjera, računovođa, revizora, ali i svih drugih osoba koje su zainteresirane za izučavanje problematike finansijskog računovodstva ili žele osvježiti svoja ranije stečena znanja iz oblasti računovodstva. Udžbenik sadrži brojne primjere računovodstvene evidencije poslovnih događaja u privrednim društvima proknjižene u skladu sa odredbama važećih Međunarodnih standarda finansijskog izvještavanja, Međunarodnih računovodstvenih standarda i lokalnih zakonskih propisa koji regulišu oblast računovodstva.

¹Sve reference relevantne za vrednovanje prilikom izbora u zvanje prema članovima 96. i 102. Zakona o visokom obrazovanju („Službene novine Kantona Sarajevo“, br. 33/17) su „**boldirane**“ i kratko opisane (predstavljene) u predmetnom izvještaju.

3. **Jahić, Haris, Šapina Hrvoje, Demirović Lejla, Korjenić-Šapina Marina: Računovodstvo društava za osiguranje. Fojnica: Štamparija Fojnica, 2019. ISBN 978-9958-532-03-0; koautor.**

Univerzitetski udžbenik „Računovodstvo društava za osiguranje“ napisan je za potrebe studenata ekonomskog fakulteta da na što lakši način ovladaju specifičnostima iz oblasti računovodstva i finansijskog izvještavanja u oblasti osiguranja. Također, isti je namijenjen i za sve one koji se prvi put susreću sa problematikom računovodstva u ovim kompanijama. Udžbenik je napisan kroz šest međusobno povezanih cjelina, prikazujući: kratki opis osnovnih pojmova vezanih za osiguranje, okvir djelatnosti osiguranja sa posebnim akcentom na propise koji regulišu oblast računovodstva, praktičnu primjenu kontnog plana društava za osiguranje i prikaz knjiženja poslovnih promjena kroz veliki broj primjera, finansijsko izvještavanje po MSFI i po specifičnim zahtjevima Agencije za nadzor FBiH, problematiku eksterne revizije, interne revizije i nadzora te zakonski okvir društava za osiguranje. Predmetni udžbenik tretira izuzetno složenu problematiku, koju su autori prikazali što jednostavnije i interesantnije s ciljem da čitalac shvati suštinu razmatrane materije, kako bi na taj način doprinijeli unapređenju prakse u oblasti računovodstva i finansijskog izvještavanja u društvima za osiguranje.

2.1.2. Udžbenici prije izbora u zvanje vanredni profesor

4. Jahić, Haris: Finansijsko izvještavanje. Fojnica: Štamparija Fojnica, 2014. ISBN: 978-9958-17-045-4; autor.
5. Jahić, Haris, Isaković-Kaplan Ševala, Škapurević Harun, Salihagić Admira: Računovodstveni informacioni sistem Pantheon: primjeri računovodstvenog obuhvatanja poslovnih događaja, Ekonomski fakultet u Sarajevu, 2012.god. ISBN: 978-9958-25-080-4; koautor
6. Jahić, Mehmed, Jahić Haris i Isaković-Kaplan Ševala: Finansijsko računovodstvo. III izmijenjeno i dopunjeno izdanje, Sarajevo: Udruženje revizora FBiH, 2012.god. ISBN: 978-9958-9058-0-3; koautor
7. Jahić, Mehmed, Jahić Haris i Šapina Hrvoje: Računovodstvo finansijskih institucija. Libertas, Sarajevo 2008.god, poglavlje C. Računovodstvo investicionih fondova, ISBN: 978-9958-9167-4-8; koautor

2.2. NAUČNI RADOVI U PUBLIKACIJAMA KOJE PRATE RELEVANTNE MEĐUNARODNE BAZE PODATAKA

2.2.1. Radovi nakon izbora u zvanje vanredni profesor:

1. **Demirović Lejla, Jahić Haris i Isaković-Kaplan Ševala: Finansijski efekti računovodstvenog i regulatornog aspekta iskazivanja kapitala u bankarskom sektoru BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 17, Broj 28, Mostar, decembar 2019., str. 93-109, ISSN 0352-258X – koautor**

Ovaj rad koncipiran je da ukaže na strukturu i specifičnost kapitala banka, kapitalne zahtjeve, primjenu regulatornog okvira prema Sporazumu Basela III, te da ukaže na računovodstveni aspekt kapitala banaka i računovodstveni i porezni efekt prve primjene Međunarodnog računovodstvenog standarda 39 – Finansijski instrumenti: priznavanje i mjerenje (MRS 39) i Međunarodnog standarda finansijskog izvještavanja 9 – Finansijski instrumenti (MSFI 9) na kapital u bankarskom sektoru BiH. Da li je bankarski sektor BiH u potpunosti primijenio Baselske standarde, kako i u kojoj mjeri je primjena regulatornog kapitala uticala na kapital i adekvatnost kapitala, te kakav uticaj na kapital je imala inicijalna primjena MSFI 9, primarni je cilj istraživanja autora predmetnog rada.

- 2. Demirović Lejla, Jahić Haris i Isaković-Kaplan Ševala: Računovodstveni aspekt primjene MSFI 9 u bankarskom sektoru BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 16, Broj 26, Mostar, juli-decembar 2018., str. 50-65, ISSN 0352-258X – koautor**

Za potrebe detaljnijeg predstavljanja kompleksnosti i specifičnosti primjene relevantnog zakonodavnog okvira kod mjerenja kreditnog gubitka u bankarskom sistemu Bosne i Hercegovine (BiH), u predmetnom radu autori prezentiraju specifičnosti procjene kreditnog gubitka prema važećem Međunarodnom standardu finansijskog izvještavanja 9 – Finansijski instrumenti (MSFI 9) i izmjenjenoj podzakonskoj i zakonskoj regulativi: Odluci o minimalnim standardima za upravljanje kreditnim rizikom i klasifikaciju aktive (Odluka), Međunarodnom računovodstvenom standardu 39 – Finansijski instrumenti: priznavanje i mjerenje (MRS 39) i Međunarodnom računovodstvenom standardu 37 - Rezervisanja, potencijalne obaveze i potencijalna imovina (MRS 37) u periodu 2010.-2018.g., te ukazuju na zahtjeve, prednosti i nedostatke primjenjivanih zakonskih i podzakonskih propisa.

- 3. Jahić Haris, Demirović Lejla: Analiza kvaliteta aktive banaka primjenom pokazatelja. U: Zbornik radova Univerziteta „Džemal Bijedić“ u Mostaru, Ekonomski fakultet, godina 14, Broj 23, Mostar, decembar 2016., str. 18-26, ISSN 0352-258X – koautor.**

Centralna banka Bosne i Hercegovine odredila je ključne pokazatelje „finansijskog zdravlja“ koji odražavaju trenutno „finansijsko zdravlje“ finansijskih institucija BiH. Pokazatelji finansijskog zdravlja grupisani su u pet kategorija koje obuhvataju pokazatelje: kvaliteta aktive, kapitala, profitabilnosti, likvidnosti i deviznog rizika. Analiza kvaliteta aktive banaka, podrazumjeva analizu bilansne pozicije potraživanja za kreditne plasmane, a ujedno i analizu kreditnog rizika iz razloga što kod banaka u Bosni i Hercegovini, kreditni rizik uglavnom dominira. U ovom radu istraživači su prikazali način na koji je moguće analizirati kvalitet aktive banaka primjenom pokazatelja, na način da su kroz postupak izračuna pokazatelja, objasnili značenje svakog dobivenog rezultata, te koji su podaci neophodni za navedenu analizu, uz prezentiranje najvažnijih zaključaka za svaki pokazatelj zasebno.

- 4. Jahić Haris, Demirović Lejla: Adekvatnost kapitala i likvidnost u sjeni primjene Basel III standarda u Bosni i Hercegovini. U: Zbornik radova Univerziteta „Džemal Bijedić“ u Mostaru, Ekonomski fakultet, godina 12, Broj 20, Mostar, januar - decembar 2014., str. 114-132, ISSN 1512-73613**

Na sastanku održanom 12. septembra 2010. godine u Banci za međunarodna poravnanja (BIS) u Bazelu, globalni bankarski regulatori iz 27 zemalja svijeta su dogovorili usvajanje najnovijeg paketa mjera za regulisanje globalnog finansijskog poslovanja, poznatog kao Basel III principi. U ovom članku istraživači su predstavili osnovne principe i novine Basel III standarda, istražili da li su banke u BiH spremne/nespremne da primjene Basel III standarde, te da li će stopa adekvatnosti kapitala i nivo likvidnosti banaka u Bosni i Hercegovini biti prepreka primjene Basel III standarda u BiH. Također, u ovom članku istraživači su ukazali na glavne teze koje su obrađivali, a koje su prema rezultatima istraživanja bile glavne prepreke primjene Basel III standarda u bankarstvu Bosne i Hercegovine.

2.2.2. Radovi prije izbora u zvanje vanredni profesor:

5. Jahić, Haris, Mirza Kasum: Revizorska vs. menadžerska odgovornost za lažno finansijsko izvješavanje. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 7-8.novembar 2013. Mostar. ISBN 978-9958-604-78-2 – koautor
6. Jahić, Haris, Veleđar Benina: Mogućnost primjene međunarodnih računovodstvenih standarda javnog sektora u FBiH. Sarajevo Business and Economics Review Ekonomski fakultet u Sarajevu broj 30, Sarajevo 2010. ISSN 1986-5473, koautor
7. Jahić, Haris, Arnautović Arijana: Uticaj analize finansijskih izvještaja na upravljanje kreditnim rizikom u FBiH. Zbornik radova / Sarajevo Business and Economics Review Ekonomski fakultet u Sarajevu broj 33, str. 205-220 Sarajevo 2014. ISSN 1986-5473; koautor.
8. Jahić, Haris, Isaković-Kaplan Ševala i Veleđar Benina: Informacijske potrebe korisnika konsolidovanih finansijskih izvještaja. Zbornik radova / Sarajevo Business and Economics Review Ekonomski fakultet u Sarajevu (Sarajevo). 2012; 32: str. 241-263; ISSN 1986-5473.; koautor

2.3. NAUČNI RADOVI U ZBORNICIMA KOJE PRATE RELEVANTNE BAZE PODATAKA (KONGRESI, SIMPOZIJI, SAVJETOVANJA)

2.3.1. Radovi nakon izbora u zvanje vanredni profesor:

- 1. Jahić, Haris: Sistem kvalitete u radu revizijske profesije: uspostava i nadzor. U: HOPE: 20. Međunarodni simpozij: Zbornik radova s međunarodnog simpozija, 12-14.juni 2019. Neum. Revicon. ISSN 2232-8734; autor**

Revizija finansijskih izvještaja predstavlja zadnju kariku u lancu finansijskog izvještavanja i informisanja zainteresovanih korisnika što njima predstavlja osnovu za donošenje odluka. Korisnici finansijskih izvještaja često imaju nerealno velika očekivanja od revizora da sve značajno materijalne greške u finansijskim izvještajima koje su se do tog momenta akumulirane u finansijskim izvještajima, otkriju i u svojim izvještajima objave. Sa promjenama potreba i očekivanja korisnika finansijskih izvještaja mijenjaju se i uloge revizora. Analizirajući strukturu prihoda revizorskih društava, i njihove trendove

primjećuje se sve nepovoljniji omjer prihoda od revizijske djelatnosti u odnosu na prihode od nerevizije djelatnosti. To nas navodi na zaključak da u vremenu što većeg zadovoljavanja potreba klijenata i drugih korisnika finansijskih izvještaja, revizori se sve više ponašaju kao konsultanti, a sve manje kao revizori. Sa tim izazovom, a pogotovo nakon računovodstvenih (revizorskih) skandala 2001/2002 godine sve više se pažnje posvećuje kontroli kvaliteta rada revizora sa akcentom na javni (u ime države) nadzor revizorske struke. Po tom pitanju ni Bosna i Hercegovina nije izuzetak, zbog čega je osnovni problem istraživanja predmetnog rada usmjeren na trenutno stanje u toj oblasti, kao i na iznalaženje mogućih modaliteta za poboljšanje rada revizora i njihovih rezultata sa krajnjim ciljem da se revidiranim finansijskim izvještajima više vjeruje.

- 2. Jahić, Haris: Interna revizija u privrednim društvima FBiH – korist ili trošak,. U: Zbornik radova Interni revizor 2019, Akademsko-strukovno udruženje internih revizora u BiH. Godina II., Br. 2., Sarajevo, 2019. ISSN 2566-4379; autor**

Da bi se izbjegle bilo kakve značajne greške u finansijskim izvještajima, sigurno je dobrodošlo da privredni subjekt u svojoj organizacionoj šemi ima što bolje razvijen sistem internih kontrola i odjel interne revizije. Naravno da interna revizija neće biti svrsishodna u malim privrednim subjektima, međutim postavlja se pitanje zbog čega i u velikim, pa čak i u onim najvećim privrednim subjektima jako često susretnemo nepostojanje interne revizije. Kroz predmetni rad autor se bavi razlozima zbog kojih se interna revizija u privrednim subjektima u BiH nije razvila na onaj nivo kako se to od nje očekuje, izuzimajući one dijelove privrede koji u svojoj legislative nalažu obavezno postojanje interne revizije (javna preduzeća, banke, osiguranja, itd).

- 3. Jahić, Haris i Proho Mahir: Percepcija i mjenjajuća uloga interne revizije. U: Zbornik radova Interni revizor 2018, Akademsko-strukovno udruženje internih revizora u BiH. Godina I., Br. 1., Sarajevo, 2018. ISSN 2566-4379; koautor**

Kroz historiju, interna revizija je u različitim fazama razvoja percipirana na različite načine. Od lovca na greške, preko revizije usklađenosti, do današnjeg koncepta dodane vrijednosti, interna revizija je svoju ulogu oblikovala prema potrebama okruženja. Danas se pred internu reviziju postavljaju različiti zahtjevi. No, prevashodno, interna revizija je usmjerena ka preventivnom djelovanju na potencijalne rizike iz okruženja, te kroz svoje aktivnosti uvjeravanja i savjetovanja doprinosi organizaciji, odnosno dodaje vrijednost. Kroz predmetni rad autori sagledavaju historijski kontekst razvoja interne revizije i njenu mijenjajuću ulogu kroz vrijeme, te ukazuju na moguće scenarije u budućnosti u pogledu percepcije i daljnjeg razvoja interne revizije.

- 4. Jahić, Haris: 12. (Ne)kvalitetno finansijsko izvještavanje: dalekosežni uticaji i posljedice. U: RACE: 19. Međunarodni simpozij: Zbornik radova s međunarodnog simpozija, 10-12.maj 2018. Neum. Revicon. str. 233-242. ISSN 2232-8734; autor**

Tačni finansijski izvještaji su samo prvi preduslov za kvalitetno finansijsko izvještavanje, te ta dva pojma ni u kojem slučaju ne trebamo poistovjeđivati. Ukoliko imamo nekvalitetne finansijske izvještaje u čije informacije većina korisnika već ne vjeruje, lako je zaključiti da je put do kvalitetnog finansijskog izvještavanja u BiH jako dug i naporan. S obzirom na to da država, odnosno njene institucije, trebaju biti najzainteresovaniji za poboljšanje ambijenta finansijskog izvještavanja, logično je očekivati da inicijatori i pokretači mijenjanja tog ambijenta budu upravo vladine agencije, ministarstva, poreski organi itd. Koje su važne karike tog lanca finansijskog izvještavanja i zbog čega treba biti

svjestan njegove važnosti, osnovni su predmet istraživanja ovog rada. U samom radu nije posvećena pažnja objavljivanjima u finansijskim izvještajima po zahtjevima MSFI i MRS, kao ni odredbama Direktive o objavljivanju nefinansijskih informacija, i sl., već se predmetni rad bavi osnovama finansijskog izvještavanja i njegovim principima koje možemo naći u Konceptualnom okviru za finansijsko izvještavanje (IASB).

- 5. Jahić, Haris: Primjena zahtjeva za mjerenje fer vrijednosti po privrednim sektorima (MSFI 13). U: 18. Međunarodni simpozij: Zbornik radova s međunarodnog simpozija, maj 2017. Neum. Revicon. str. 255-264. ISBN 978-953-7828; autor**

Procjenjivanje i vrednovanje sredstava i obaveza po fer vrijednosti je važan izazov za svjetske naučne računovodstvene krugove, posebno veliki izazov za računovođe u praksi koji odgovaraju za provedbu MSFI i MRS. Korak naprijed u odnosu na probleme koji su bili aktualni prije desetak godina, i zbog kojih se i krenulo u sveobuhvatnu izmjenu MSFI jeste donošenje MSFI 13 - Mjerenje fer vrijednosti. Kroz predmetni rad autor želi da istakne da donošenje ovog standarda treba posmatrati kao dio ukupnog paketa izmjena MSFI, posebno kada se misli na finansijsku imovinu (gotovo svi od MSFI 9 do MSFI 16) i njeno što tačnije vrednovanje u finansijskim izvještajima. U ovom radu autor ističe da se MSFI 13 ne odnosi samo na mjerenje finansijskih sredstava već svih sredstava i svih obaveza za koje MRS/ MSFI zahtijevaju ili dopuštaju da se mjere po fer vrijednosti, ali većina novina iz ovog standarda i način njihove regulacije se, ipak, odnosi na finansijska sredstva. Dalje, autor ističe da problema u primjeni MSFI 13 u BiH će biti i dalje puno, ali vjerujemo da će ovaj standard i njegova primjena biti jedan korak ka smanjivanju nepovjerenja u finansijske izvještaje u BiH koje je izraženo i traje već jedan duži period.

- 6. Jahić, Haris: Analiza finansijskih izvještaja – alat menadžera. U: Korporativno upravljanje: 17. Međunarodni ekonomski forum: Zbornik radova XVII međunarodnog ekonomskog foruma, decembar 2017. Dubrovnik. Revicon. str. 113-128. ISSN 2232-8734; autor**

Konceptualni Okvir za finansijsko izvještavanje “izbjegava” okarakterisati menadžment kao primarnog korisnika, a, u suštini, je on, zapravo, na “prvoj liniji” da zbog pogrešne odluke koju je donio na bazi informacija iz finansijskog izvještaja pretrpi i štetu (manifestovaće se kroz pojedinačni gubitak poslovne transakcije, ili kao gubitak izvještajne godine, ili kao gubitak koji će biti dovoljno velik da ugrozi vremensku neograničenost poslovanja). Kako iskoristiti računovodstveni okvir i računovodstvene standarde da postojeći (ili modifi cirani, prilagođeni) finansijski izvještaji posluže kao alat menadžeru da donosi ispravne poslovne odluke, i da li je to uopšte moguće predstavljalo je primarno istraživačko pitanje za autora predmetnog rada.

- 7. Jahić, Haris: Mjesto i uloga revizije u upravljanju preduzećem. U: Agenda reformaska Za Aplikaciju za prijem u članstvo EU: 17. Međunarodni simpozij: Zbornik radova s međunarodnog simpozija, 26-28.maj 2016. Neum. Revicon. str. 693-707. ISSN 2232-8734; autor**

Korisnici revizorskih izvještaja su, prije svega, eksterni korisnici (vlasnici, kreditori, poslovni partneri, državne agencije...). Što se tiče menadžmenta kao korisnika revizorskog izvještaja i rada revizora, i koristi koje može iz njega izvući, to se može svesti na sadržaj “pisma upravi” i uočavanje revizorovih tvrdnji da postoje materijalno značajne greške u

finansijskim izvještajima koje bi mogle poslužiti revizoru da, ukoliko se ne otklone do izdavanja konačnog izvještaja, taj izvještaj, odnosno mišljenje ne bude pozitivno. Analizirajući ukupne prihode revizorskih firmi, može se zaključiti da procenat prihoda konsultantskih usluga (računovodstvenih, pravnih, poreznih, due diligence...) značajno raste, pa možemo zaključiti i da se menadžmenti firmi sve više oslanjaju na znanje i iskustvo revizora u samom činu upravljanja preduzećima. Kroz predmetni rad autor se bavi pitanjem kako menadžment može imati više koristi od revizora u boljem upravljanju i postizanju boljih rezultata, te kako da iskoristi revizorova znanja i iskustva u ostvarivanju svog cilja, ističući da bi taj cilj trebao da bude pomoć ka ostvarivanju planiranih rezultata, a ne da se čitav angažman revizora završi na “mišljenju” da u finansijskim izvještajima ima, ili nema “značajnih” grešaka.

- 8. Jahić, Haris: Interna i eksterna revizija kao partneri u fer i objektivnom finansijskom izvještavanju. U: Stanje i perspektive za BiH: 16. Međunarodni simpozij: Zbornik radova s međunarodnog simpozija, 28-30.maj 2015. Neum. Revicon. str. 293-304. ISSN 2232-8734; autor**

Finansijsko izvještavanje predstavlja informisanje svih zainteresovanih strana o svim bitnim, značajnim elementima finansijskih izvještaja (sredstvima, obavezama, kapitalu, приходima i rashodima), kao i njihovim promjenama tokom vremena. Međutim, to se ne smije poistovijetiti sa pripremanjem i tumačenjem finansijskih izvještaja koji većinom, osim bilješki, predstavljaju formalizovane tabele iz kojih se može vidjeti dosta od toga što nas interesuje, ali ni blizu dovoljno da bi korisnici finansijskih izvještaja zadovoljili svoje apetite, a u vezi sa stanjem i uspješnosti poslovanja određenog privrednog subjekta. U predmetnom radu autor sagledava ulogu interne revizije u procesu poboljšanja finansijskog izvještavanja koji je neophodan kontinuirani proces koji se neće moći izbjeći ukoliko se zakonodavci i poslodavci žele priključiti dobroj svjetskoj praksi.

2.3.2. Radovi prije izbora u zvanje vanredni profesor:

9. Isaković-Kaplan, Ševala, Jahić Haris: Forenzični računovođa – Novo zvanje računovodstvene profesije – Mogućnost sticanja u BiH. 14. Međunarodna znanstvena i stručna konferencija: Računovodstvo i menadžment – RiM: Zbornik radova s međunarodne znanstvene i stručne konferencije Svezak I.- znanstveni radovi, 13-14.juni 2013. Zagreb --ISBN 978-953-7828-04-2; koautor
10. Bašić, Meliha, Jahić Haris, Jahić Lejla: Analysis of Causes and Effects of Applying IAS and IFRS in Case of Mergers and Acquisitions of Banks in the Federation of Bosnia and Herzegovina. European Journal of Sustainable Development, Special Issue, Volume 2, Number 4, April 2013. ISSN 2239-5938 (print), ISSN 2239-6101 (online); koautor.
11. Jahić, Haris i Isaković-Kaplan, Ševala: Privredni kriminal u BiH – uloga računovođe. 13. Međunarodna znanstvena i stručna konferencija: Računovodstvo i menadžment – RiM: Zbornik radova s međunarodne znanstvene i stručne konferencije Svezak I.- znanstveni radovi, 14-16.juni 2012. Zagreb., ISBN 978-953-7828-01-1; koautor
12. Jahić, Haris: Primjena značajnosti u postupku revizije. Zbornik radova Evropski put BiH u funkciji razvoja, XI međunarodni simpozij Revicon, Neum 27-29.V 2010; autor

2.4. STRUČNI RADOVI U PUBLIKACIJAMA

2.4.1. Radovi nakon izbora u zvanje vanredni profesor:

1. **Jahić, Haris, Lejla Demirović, Edis Boloban: Računovodstveni treman priznavanja i mjerenja rezervisanja za kreditne plasmane kod banaka, Pravo i finansije- Časopis za pravnu i ekonomsku teoriju i praksu, broj 12/I, decembar/prosinac 2017. godine, REC, Sarajevo, ISSN 2490-3590.; koautor**
2. **Jahić, Haris: Regulatorna revizija u Evropskoj uniji. Revizija - stručni časopis udruženja revizora FBiH, Udruženje revizora FBiH Sarajevo, br. 4, 2016.g.; autor**

2.4.2. Radovi prije izbora u zvanje vanredni profesor:

3. **Jahić, Haris: Oblici povećanja osnovnog kapitala kod dioničkih društava i njihovo računovodstveno obuhvatanje. Zbornik radova Ekonomskog fakulteta u Sarajevu (Sarajevo). 2007; autor**
4. **Jahić, Haris: Finansijski pokazatelji u funkciji ocjene uspješnosti poslovanja. ZIPS br. 1213, 2011; autor.**
5. **Jahić, Haris: Sistem javnog nadzora u BiH. ZIPS br. 1210, 2011; autor.**
6. **Jahić, Haris: Promjene u finansijskom izvještavanju po zahtjeveima izmijenjenog MRS1, ZIPS br. 1204, 2010; autor.**
7. **Jahić, Haris: Pojmovno određenje revizije i njena uloga u razvijenim tržišnim ekonomijama. Revizija, stručni časopis Udruženja – udruge revizora Federacije, br. 3, Sarajevo 2007; autor.**
8. **Jahić, Haris: Planiranje revizije stalnih sredstava. Revizija, stručni časopis Udruženja – udruge revizora Federacije, br. 3, Sarajevo 2007; autor.**

2.5. UČEŠĆE NA NAUČNIM I STRUČNIM KONFERENCIJAMA

2.5.1. Učešće nakon izbora u zvanje vanredni profesor:

1. **Jahić, Haris: Primjena zahtjeva za mjerenje fer vrijednosti po privrednim sektorima (MSFI 13). U: 18. Međunarodni simpozij: Zbornik radova s međunarodnog simpozija, maj 2017. Neum. Revicon. str. 255-264. ISBN 978-953-7828; autor**
2. **Jahić, Haris: Sistem kvalitete u radu revizijske profesije: uspostava i nadzor. U: HOPE: 20. Međunarodni simpozij: Zbornik radova s međunarodnog simpozija, 12-14.juni 2019. Neum. Revicon. ISSN 2232-8734; autor**
3. **Jahić, Haris: 12. (Ne)kvalitetno finansijsko izvještavanje: dalekosežni uticaji i posljedice. U: RACE: 19. Međunarodni simpozij: Zbornik radova s međunarodnog simpozija, 10-12.maj 2018. Neum. Revicon. str. 233-242. ISSN 2232-8734; autor**

4. **Jahić, Haris: Interna revizija u privrednim društvima FBiH – korist ili trošak.** U: Zbornik radova Interni revizor 2019, Akademsko-strukovno udruženje internih revizora u BiH. Godina II., Br. 2., Sarajevo, 2019. ISSN 2566-4379; autor
5. **Jahić, Haris i Proho Mahir: Percepcija i mjenjajuća uloga interne revizije.** U: Zbornik radova Interni revizor 2018, Akademsko-strukovno udruženje internih revizora u BiH. Godina I., Br. 1., Sarajevo, 2018. ISSN 2566-4379; koautor
6. **Jahić, Haris: Mjesto i uloga revizije u upravljanju preduzećem.** U: Agenda reformska Za Aplikaciju za prijem u članstvo EU: 17. Međunarodni simpozij: Zbornik radova s međunarodnog simpozija, 26-28.maj 2016. Neum. Revicon. str. 693-707. ISSN 2232-8734; autor
7. **Jahić, Haris: Interna i eksterna revizija kao partneri u fer i objektivnom finansijskom izvještavanju.** U: Stanje i perspektive za BiH: 16. Međunarodni simpozij: Zbornik radova s međunarodnog simpozija, 28-30.maj 2015. Neum. Revicon. str. 293-304. ISSN 2232-8734; autor
8. **Jahić, Haris: Analiza finansijskih izvještaja – alat menadžera.** U: Korporativno upravljanje: 17. Međunarodni ekonomski forum: Zbornik radova XVII međunarodnog ekonomskog foruma, decembar 2017. Dubrovnik. Revicon. str. 113-128. ISSN 2232-8734; autor
9. **Jahić, Haris. Dan Pantheon računovođa 2020.g. Datalab Sarajevo 2020.; pozvani predavač/keynote speaker na konferencijama.**

2.5.2. Učešće prije izbora u zvanje vanredni profesor:

10. **Jahić, Haris, Mirza Kasum: Revizorska vs. menadžerska odgovornost za lažno finansijsko izvješavanje.** U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 7-8.novembar 2013. Mostar. ISBN 978-9958-604-78-2 (EBSCO Publishing – Business Source Complete) – koautor
11. **Isaković-Kaplan, Ševala i Jahić Haris: Forenzični računovođa – Novo zvanje računovodstvene profesije – Mogućnost sticanja u BiH.** U: Računovodstvo i menadžment – RiM: 14. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 13-14.juni 2013. Zagreb. Hrvatski računovođa. str. 147-156. ISBN 978-953-7828-04-2;
12. **Jahić, Haris, Isaković-Kaplan, Ševala: Forenzično računovodstvo i forenzični računovođa: nužna znanja i rješenja u borbi protiv računovodstvenih prevara.** Naučna konferencija: Mjesto i perspektive kriminalistike, kriminologije i sigurnosnih studija u savremenim uvjetima”, Fakultet za kriminalistiku, kriminologiju i sigurnosne studije, 16-17.maj 2013. Sarajevo.
13. **Bašić, Meliha, Jahić Haris, Jahić Lejla: Analysis of Causes and Effects of Applying IAS and IFRS in Case of Mergers and Acquisitions of Banks in the Federation of Bosnia and Herzegovina.** International Conference on Sustainable Development, 19-20 April 2013 Tirana, Albania European Journal of Sustainable Development, Special Issue, Volume 2, Number 4, April 2013. ISSN 2239-5938 (print), ISSN 2239-6101 (online);

14. Jahić, Haris i Isaković-Kaplan Ševala: Privredni kriminal u BiH – uloga računovođe. U: Računovodstvo i menadžment – RiM: 13. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 14-16.juni 2012. Zagreb. Hrvatski računovođa. str. 68-79. ISBN 978-953-7828-01-1;
15. Jahić, Haris: Analiza finansijskih pokazatelja kao postupak identifikacije poslovne krize. PANTHEON Datalab konferencija 2012. Sarajevo - Saradnja Ekonomskog fakulteta u Sarajevu i Datalaba - prilike za poslodavce.
16. Jahić, Haris: Formalno finansijsko izvještavanje vs. Finansijsko izvještavanje kao podloga za menadžerske odluke. PANTHEON Datalab konferencija 2011. Sarajevo - Hotel Bristol Sarajevo 2011.
17. Jahić, Haris: Značaj zabilješki u finansijskom izvještavanju. Seminar u okviru kontinuirane edukacije računovođa i revizora, Sarajevo, 2010.
18. Jahić, Haris: Primjena značajnosti u postupku revizije. XI međunarodni simpozij Revicon: Evropski put BiH u funkciji razvoja, Neum 27-29.V 2010.

2.6. PROJEKTI

2.6.1. Projekti nakon izbora u zvanje vanredni profesor (vođa projekta):

1. Projekat Ministarstva vanjskih poslova Sjedinjenih Američkih Država i Fakulteta za kriminalistiku, kriminologiju i sigurnosne studije Univerziteta u Sarajevu: Upotreba finansijskih istraga u rješavanju koruptivnih krivičnih djela, juni 2019.

Istraživački projekat „Upotreba finansijskih istraga u rješavanju koruptivnih krivičnih djela“ usmjeren je na unapređenje efikasnosti i efektivnosti krivičnih istraga koruptivnih krivičnih djela kroz upotrebu finansijske istrage, kao integrisanog dijela krivične istrage. Projekat je podržan od strane Ambasade Sjedinjenih Američkih Država u Bosni i Hercegovini, a finansiran grantom Ministarstva vanjskih poslova Sjedinjenih Američkih Država (Department of State). Opći ciljevi istraživačkog projekta su ostvareni putem neposrednih istraživačkih aktivnosti (menadžment i istražitelji Državne agencije za istrage i zaštitu – SIPA) koje su obuhvatale, ali se nisu ograničavale na: analizu trenutnog stanja i postojećih kapaciteta u praksi u pogledu upotrebe tehnika i metoda finansijskih istraga u kontekstu istraživanja procesuiranja koruptivnih krivičnih djela; identifikaciju ograničenja u postojećem pravnom okviru za efikasno provođenje finansijskih istraga, dijagnosticiranje vrste i nivoa nesklada sadašnjeg i potrebnog znanja i vještina istražitelja za efikasno i efektivno provođenje finansijskih istraga, te identifikaciju potreba za njihovo unapređenje i usavršavanje. Finalni izvještaj (ISBN 978-9926-451-22-6), izrađen je na 106 stranica, i javno je prezentiran na Fakultetu za kriminalistiku, kriminologiju i sigurnosne studije Univerziteta u Sarajevu. Sastoji se, osim uvoda i zaključka, od četiri poglavlja koja su međusobno povezana kako bi rezultati istraživanja bili jasno definisani. U prvom je objašnjena metodologija provedbe procjene upotrebe finansijske istrage u okviru krivične istrage koruptivnih krivičnih djela u praksi relevantnih državnih institucija. U drugom poglavlju je opisana finansijska istraga koruptivnih krivičnih djela u praksi (iskustvo i edukacija istražitelja). Treće poglavlje razmatra ključne preduvjete za provođenje finansijske istrage koruptivnih krivičnih djela, i u četvrtom

poglavlju analizirani su pravosnažno okončani predmeti Suda Bosne i Hercegovine s ciljem prikupljanja podataka o upotrebi finansijske istrage u rješavanju koruptivnih djela. U zaključku su prezentirani ključni nalazi, procjene i preporuke (generalne i specifične) koje su na njima zasnovane.

2.6.2. Projekti prije izbora u zvanje vanredni profesor:

2. Član tima u istraživačkom projektu Vlade FBiH (procjena vrijednosti BH Steel Zenica)
3. Konsultant u projektu Svjetske banke za teorijsku i praktičnu obuku za službenike u Ministarstvu finansija FBiH s ciljem sticanja znanja iz oblasti finansijskog izvještavanja banaka, analize finansijskih izvještaja banaka i propisa koji regulišu poslovanje banaka
4. Član tima u istraživačkom projektu UNDP „Jačanje kapaciteta i ključnih institucija ovlaštenih za borbu protiv korupcije u BiH“

2.7. MENTORSTVO NA II CIKLUSU STUDIJA

1. Student: Veleđar Benina; Naziv teme: Analiza mjerenja pokazatelja uspješnosti u javnom sektoru
2. Student: Isović Šerif; Naziv teme: Analiza konsolidovanih finansijskih izvještaja
3. Student: Hadžialić Iris; Naziv teme: Finansijski pokazatelji u funkciji otkrivanja i sprečavanja evazije indirektnih poreza
4. Student: Arnautović Arijana; Naziv teme: Uticaj analize finansijskih izvještaja na kvalitet upravljanja kreditnim rizikom
5. Student: Dupovac Senada; Naziv teme: Računovodstveni obuhvat poreza na dobit i primjena MRS-12
6. Student: Hadžiabdić Diler; Naziv teme: Računovodstveni aspekt goodwill-a
7. Student: Alić Sabina; Naziv teme: Analiza godišnjeg izvještaja i uticaja nefinansijskih informacija na donošenje odluke o investiranju
8. Student: Kršić Ajla; Naziv teme: Revizija finansijskih izvještaja banaka
9. Student: Alikadić Lejla; Naziv teme: Efikasnost institucionalnog okvira i koordinacija između ključnih učesnika u procesu finansijskog izvještavanja i opozivanja preduzeća
10. Student: Nevesinjac Aida; Naziv teme: Transparentnost finansijskog izvještavanja osiguravajućih društava u FBiH
11. Student: Šrnić Mirza; Naziv teme: Informacione tehnologije i unapređenje funkcije finansijskog računovodstva u kompaniji
12. Student: Bajrić-Pržulj Vedran; Naziv teme: Transferne cijene i finansijski rezultati poslovanja privrednih subjekata u BiH
13. Student: Hajduk Majda; Naziv teme: Uticaj troškova zaposlenih na finansijsku uspješnost preduzeća
14. Student: Ibršimović Nejra; Naziv teme: Uloga Komisije za vrijednosne papire FBiH u poboljšanju procesa finansijskog izvještavanja
15. Student: Dželo Adi; Naziv teme: Javna odgovornost revizora i uticaj na revizorsku profesiju
16. Student: Džananović Alen; Naziv teme: Javni nadzor nad revizijom finansijskih izvještaja
17. Student: Makaš Aida; Naziv teme: Uloga interne revizije u funkciji sprečavanja moguće prevare u finansijskom izvještavanju

2.8. RECENZIJE

1. Recenzent više naučnih knjiga/univerzitetskih udžbenika
2. Recenzent indeksiranog časopisa Ekonomskog fakulteta Univerziteta u Sarajevu: „Sarajevo Business and Economics Review (SBER)“, referira se u: EBSCO, ProQuest, CEEOL
3. Recenzent indeksiranog časopisa Fakulteta za kriminalistiku, kriminologiju i sigurnosne studije Univerziteta u Sarajevu: „Kriminalističke teme - časopis za kriminalistiku, kriminologiju i sigurnosne studije“, referira se u: ProQuest Sociological Abstract, EBSCO SocINDEX, EBSCO SocINDEX Full Text, EBSCO Criminal Justice Abstracts, EBSCO Criminal Justice Abstracts with Full-text i ProQuest Social Sciences.
4. Recenzent stručnog časopisa Revizija - Udruženja revizora FBiH.

3. NASTAVNO-PEDAGOŠKI RAD

Prof. dr Haris Jahić je na Ekonomskom fakultetu u Sarajevu izvodio nastavu iz predmeta: Računovodstvo, Finansijsko računovodstvo, Troškovno računovodstvo, Kontrola i revizija, Računovodstvo finansijskih institucija, Računovodstvo banaka, Finansijsko izvještavanje, Revizija finansijskih izvještaja, Analiza poslovanja, Finansijsko izvještavanje, Analiza finansijskih izvještaja, Računovodstveni informacioni sistemi, Analiza izmjena računovodstvenih politika i njihov uticaj na rezultat poslovanja... U periodu 2001-2002. bio je zaposlen na Fakultetu kriminalističkih nauka u Sarajevu (katedra ekonomske kriminalistike) na mjestu asistenta (predmeti Računovodstvo i Revizija poslovanja). U akademskoj 2019/2020.godini kandidat je angažovan u nastavnom procesu na Ekonomskom fakultetu Univerziteta Džemal Bijedić u Mostaru i to na predmetu „Finansijsko računovodstvo“ za izvođenje nastave i ispitivanje, i na predmetu „Analiza poslovanja preduzeća“ za ispitivanje. U školskoj 2018/2019.godine kandidat je imao angažman u nastavnom procesu na Ekonomskom fakultetu Univerziteta u Zenici i izvodio je nastavu iz predmeta Prognoziranje zasnovano na finansijskom izvještavanju na Master studiju. Pored navednenih nastavnih angažmana, kandidat je učestvovao u nastavnom procesu i na Ekonomskom fakultetu Univerziteta u Bihaću, Poljoprivrednom fakultetu i Fakultetu za javnu upravu Univerziteta u Sarajevu.

Kandidat prof. dr Haris Jahić angažovan je i u procesu edukacije „samostalnih računovođa“ i „ovlaštenih revizora“ u organizaciji Zavoda za računovodstvo i reviziju FBiH u periodu od 2002-2005.godina, kao i u izvođenju nastave za sticanje zvanja „certificirani računovodstveni tehničar“ u organizaciji Poslovne akademije Ekonomskog fakulteta u Sarajevu, od 2007.godine. Također, izvodi nastavu u programu „Upravljanje javnim institucijama u zdravstvu“ u organizaciji Poslovne akademije Ekonomskog fakulteta u Sarajevu, počevši od 2009.godine.

U svom dosadašnjem nastavno-pedagoškom radu prof. dr Haris Jahić je stekao zavidno pedagoško iskustvo i ostvario dobre rezultate u komunikaciji sa studentima. Kandidat i pored velike opterećenosti u nastavnom procesu permanentno unapređuje i inovira izvođenje nastave na predmetima za koje je zadužen.

Prof. dr Haris Jahić je kao autor i koautor pripremao nastavni materijal za izvođenje nastave iz predmeta Finansijsko izvještavanje, Finansijsko računovodstvo, Računovodstvo finansijskih institucija, Revizije, Računovodstvo društava za osiguranje i Projekat – praktični predmet na

smjeru Računovodstvo i revizija, a što je rezultiralo izradom udžbenika za navedene predmete. Kandidat je vrlo uspješno osmislio izvođenje nastave na praktičom predmetu Projekat na smjeru Računovodstvo i revizija, koordinirao rad stručnjaka iz ove oblasti iz prakse pri izradi Praktikuma za potrebe predmeta Projekat na smjeru Računovodstvo i revizija, a posebna vrijednost navedenog Praktikuma je u njegovom prilogu - priloženom CD-u kao elektronskom učitelju koji studentima korak po korak objašnjava postupak računovodstvenog evidentiranja poslovnih događaja kroz računovodstveni informacijski sistem Pantheon.

U svom dosadašnjem nastavno-pedagoškom radu kandidat je pokazao visok nivo profesionalnosti i stručnosti, a sve povjerene poslove obavljao je savjesno i predano.

5. PRIJEDLOG S OBRAZLOŽENJEM

Uvidom u dokumentaciju koju je dr Haris Jahić dostavio uz prijavu na Konkurs, Komisija konstatuje da je:

- Kandidat dr Haris Jahić uz prijavu priložio sve potrebne dokumente za izbor u zvanje redovni profesor u skladu sa uslovima utvrđenim Konkursom od 10.03.2020.godine.
- Na osnovu uvida u dostavljene dokumente kandidata dr Harisa Jahića, Komisija je konstatovala da kandidat ispunjava sve uslove za izbor nastavnika u zvanje redovni profesor na oblast „Računovodstvo i revizija“.

Pored prethodno navedenih formalnih uslova ispunjavanja Konkursa, članovi Komisije posebno ističu da kandidat dr Haris Jahić ima bogato - dvadesetogodišnje iskustvo u nastavnom procesu na predmetima iz oblasti „Računovodstva i revizije“.

Izvođenjem nastave, učestvovanjem u svim oblicima nastavnog procesa, inoviranjem nastavnih i pedagoških metoda i svojim ljudskim kvalitetima i odnosu prema studentima, kandidat je dao značajan doprinos obrazovanju studenata iz oblasti „Računovodstvo i revizija“ na Ekonomskom fakultetu Univerziteta u Sarajevu.

Kandidat je izborom teme magistarskog rada kao i teme doktorske disertacije dao značajan doprinos razvoju računovodstvene nauke u BiH. Također, kandidat u svojim naučnim i stručnim radovima, kao i učešćem na međunarodnim i domaćim naučnim i stručnim konferencijama obrađuje niz relevantnih pitanja iz oblasti „Računovodstvo i revizija“.

Na osnovu prethodno izloženih relevantnih činjenica koje se odnose na rezultate postignute u nastavnom, pedagoškom, naučnom i istraživačkom radu, Komisija konstatuje i jedinstvena je u mišljenju da kandidat dr Haris Jahić ispunjava sve uslove predviđene Zakonom o visokom obrazovanju Kantona Sarajevo i Statuta Univerziteta u Sarajevu za izbor u zvanje redovni profesor na oblast „Računovodstvo i revizija“, u punom radnom vremenu.

Stoga, Komisija, sa zadovoljstvom, predlaže Vijeću Ekonomskog fakulteta Univerzita u Sarajevu da

Kandidata JAHIĆ dr HARISA

izabere u zvanje REDOVNI PROFESOR na oblast RAČUNOVODSTVO I REVIZIJA sa punim radnim vremenom.

Sarajevo, 28.04.2020.godine

Komisija:

1. Prof. dr Meliha Bašić, predsjednik

2. Prof. dr Senada Kurtanović, član

3. Prof. dr Željko Šain, član
